



Ministru Administrasaun Estatal, Dr. Miguel Pereira de Carvalho, fo Orientasaun ba Diretor/a no Fungsiunariu PNDS Tomak iha Enkontru Mensal Nivel Nasional iha Salaun Enkontru CNE, Dili.

PNDS Tenki Sai Nafatin Programa Ne'ebe ho Espektativa Alkansa Dezenvolvimentu Liu-liu Dezenvolvimentu iha Nivel Suku

Espektativa atu bele alkansa dezenvolvimentu ne'ebe konsentra iha nivel suku ne'e nudar orientasaun husi Ministru da Administrasaun Estatal, Miguel Pereira de Carvalho, wainhira partisipa iha enkontru koordinasaun mensal nivel Nasional ne'ebe halao iha salaun enkontru CNE Dili, 29/07/2020. Objetivu husi Enkontru ne'e maka atu atualiza progresu fiziku, finansas no social husi implementasaun faze III siklu 2, Playground no Konstrusaun Infraestrutura eskola edukativa, nune'e aktualiza mos progresu servisu kada Munisipiu, rezumo enkontru mensal anterior, atualizasaun ba revisaun global timeline 2020 no planu asaun servisu, sosializa informasaun konaba apoiu finanseiru husi governu Australia (DFAT) hanaran RKRE. Iha intervensaun Ministru Administrasaun Estatal, Dr. Miguel Pereira de Carvalho afirma katak espektativa Programa PNDS, nudar programa ne'ebe importante hodi dezenvolve suku sira partikularmente dezenvolvimentu infraestrutura basiku iha nivel suku hodi bele responde difikuldade ne'ebe comunidade sira enfrenta. Ezistensia PNDS ne'ebe dura ona durante tinan sia nudar maneira ida hodi garante partisipasaun comunidade nia hodi halo infraestrutura baziku iha suku no projeitu sira ne'ebe konstrui husi comunidade sira bele garante sustentabilidade dezenvolvimentu ho manutensaun ba infraestrutura husi tempo ba tempo nune'e infraestrutura sira ne'ebe konstrui bele kontribui ba dezenvolvimentu ekonomia comunidade sira iha nivel suku.

Nune'e mos Team Leader PARTISIPA, Fiona Hamilton, iha nia intervensaun ne'ebe deklarala liu husi Zoom Coordination Meeting husi Australia hateten implementasaun programa PNDS ba tinan ne'e nudar tempo ida ne'ebe okupado tebes tanba PNDS sei serbisu maka'as hodi implementa orsamentu husi Governu Timor-leste rasik no fudus Surtu Covid ne'ebe mai husi Governu Australia. Iha oportunidade ne'e team leader PARTISIPA ne'e mos update konaba atividade serbisu asesora sira nia no serbisu FTS (Fasilitador suporta Terreno) ne'ebe konsentra iha Munisipiu Baucau, Bobonaru, Ermera inklui munisipiu seluk.

Vice-Ministru Administrasaun Estatal Oficialmente Inaugura Be'e Mos Bomba iha Postu Turisca, Suku Beremana

Suku Beremana kompostu husi aldeia tolu ho total populasaun 897 husi uma kain 210, ne'ebe konstrui ona kanalizasaun be'e mos Sistema bomba ho total orsamentu U\$ 41,926.55 no Gastus U\$ 41,829.10 no nia Balansu hamutuk U\$ 97.15, projeitu ne'e ofisialmente inaugura husi Vice-Ministru Administrasaun Estatal Lino de Jesus Torrezão iha suku Beremana, Postu Turisca, Munisipiu Manufahi 22/07/2020. Vice-Ministru Administrasaun Estatal Lino de Jesus Torrezão reafirma katak, ita hatene projeitu hirak ne'ebe konstrui liu husi programa PNDS nudar oportunidade ba comunidade ne'ebe governo deskonsentra serbisu institucional nian no oras ne'e dadaun Ministeriu hotu serbisu hamutuk ho Ministeriu Administrasaun Estatal, atu bele deskonsentra serbisu to'o iha nivel comunidade. PNDS nudar programa governo nian ne'e hakbesik dezenvolvimentu iha comunidade nia le'et, tanba ho programa ida ne'e comunidade rasik mak halo jestaun ba implementasaun projeitu sira iha suku laran.

Vice-Ministru Administrasaun Estatal inaugura projeitu be'e mos ne'e akompanhadu husi Diretora Nasional ST-PNDS, Director geral Agua no Saneamentu, Administrador Munisipio Manufahi, Administrador Postu Turisca, Segundo Komandante PNTL Munisipio Manufahi, Representante Embaixada Australia, Sosiadade Sivil, Chefe do Suku Beremana inklui comunidade local Beremana, Veteranos no Funsionario PNDS Nasional, Munisipio no Postu, Iha inagurasaun ba konstrusaun Be'e Mos ne'e hetan Kontribuisaun Orsamentu husi Suku Beremana ho Total U\$ 2.220 ba iha inagurasaun refere.

PNDS

Hamutuk Ita
Dezenvolve Nasaun

Agosto 2020

Progresu

Pilotu: Remata ona

Faze 1 Siklu 1 : Remata Ona

Faze 2 Siklu 1 : Remata Ona

Faze 3 Siklu 1 : Remata Ona

Faze 1 Siklu 2 : Remata Ona


Faze 2 Siklu 2 : Remata Ona

Faze 3 Siklu 2 : Iha Etapa 11 no 12


(Sertifikasaun Final no Akontabilidade Final)



Konstrusaun Faze II Siklu 2



Faze III Siklu 2



Ministru Administrasaun Estatal Akompanha Husi Embaixador Australia Ba Timor-Leste Oficialmente Inaugura Projeitu Konstrusaun no Kanalizasaun Be'e Mos iha Aldeia Baulok, Suku Dare

Projeitu konstrusaun no kanalizasaun be'e mos iha Aldeia Baulok, suku Dare ne'ebe implementa iha faze III siklu 2, ofisialmente inaugural husi Ministru da Administrasaun Estatal no Akompanha husi Embaixador Australia ba Timor Leste, Peter Robert, 31/07/2020. Iha intervensaun ne'ebe hato'o husi Ministru Administrasaun Estatal, Dr. Miguel Pereira de Carvalho hateten ba comunidade Aldeia Baulok, Suku Dare, katak Konstrusaun Kanalizasaun Be'e Mos ne'e hodi responde preukupasaun comunidade nian tanba durante tinan barak ona la asesu be'e mos, Ministru Administrasaun Estatal ne'e mos apela ba comunidade sira atu kuidadu no tau matan ba obra ne'ebe hari husi Programa PNDS tanba nain ba obra refere ne'e maka comunidade aldeia baulok, suku dare ne'e rasik.

Ministru Administrasaun Estatal, Miguel Pereira de Carvalho ne'e hatutan katak, Ministereu administrasaun Estatal liu husi Programa PNDS ohin loron bele kontrui ona ka dada be'e mos ho 4.2 kilo metru ne'ebe ho tornera publiku hamutuk 3 ne'ebe maka benefisia populasaun hamutuk 300 ital populasaun ho uma kain hamutuk 159 familia iha aldeia baulok, suku dare; konstrusaun ne'e ho total orsamentu hamutuk U\$ 42.000 ital no osan restu hamutuk U\$ 10.000.



Ministru Administrasaun Estatal Akompanha husi Presidente Autoridade Munisipal Bobonaro Inaugura Projeitu Estrada Rural iha Suku Ritabou, Postu Maliana Villa, Munisipiu Bobonaro

Projeitu estrada rural ne'ebe inaugura husi Ministru Administrasaun Estatal, iha suku Ritabou, nudar projeitu ne'ebe implementa iha faze 3 siklus 2,. Aktividade inaugurasau iha Suku Ritabou realiza iha loron sabdo, 25/07/2020. Ministru Administrasaun Estatal, Miguel Pereira de Carvalho iha nia intervensaun espresa sentimentu kontente tanba comunidade sira bele fo sira nia tempu hodi bele sai sasin ba inaugurasau projeitu ne'e, Programa ne'e hari'l ona besik tinan sia, comunidade sira rasik mak halo ona projeitu imfraestrutura basiku hamutuk 1.652 ne'ebe laos companha ou seitor pribadu sira mak halo maibe comunidade rasik mak halo, liu husi programa ne'e mak comunidade sira bele deside rasik prioridades saida mak sira sente necesariu duni atu konstrui iha sira nia suku.

Ministru Administrasaun Estatal ne'e relembra katak ita hotu imajina tok enkuantu, se governo la hari'l programa ne'e oinsá mak comunidade sira bele partisipa direita iha dezenvolvimentu, liu-liu dezenvolvimentu iha nivel suku, tanba ne'e ita apresia katak programa PNDS nudar oportunidade ne'ebe governo sentral fo ba comunidade sira hodi bele promove partisipasaun aktivu comunidade sira nia iha dezenvolvimentu ne'ebe konsentra iha nivel suku, nune'e bele rezolve comunidade sira nia difikuldades ne'ebe sira enfrenta.



Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl